



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd omne crimen sacrificiis De oblatis deleatur, quæque in sacrificiis
debent abhiberi, quæ reiici. Cap. i.

urn:nbn:de:hbz:466:1-10722

D. Burchard

ECCLESIAE VVORMA- ciensis Episcopi, de Sacramēto Cor- poris & Sanguinis Domini, De- cretorum Liber V.

ARGUMENTVM LIBRI.

Liber hic quæ ad sacramentum Eucharistiæ spectat
plenissimè tractat, adeo vt nihil quòd ad hanc
rem attinet requiras.

*Quòd omne crimen sacrificiis Deo oblatiis deleatur,
quæque in sacrificiis debeant adhiberi, quæ
reici. Caput I.*

*Ex decre.
Iulij pa-
pæ episco-
pis per
Aegyptū
missis.*

Vum omne crimen atque peccatum ob-
latiis Deo sacrificiis deleatur, quid de ca-
ro pro delictorum expiatione dominum
bitur, quando in ipsa sacrificij oblatiis
erratur? Audiuius enim quosdam sa-
matica ambitione detentos, cōtra diuinos ordines & sa-
stolicas institutiones, lac pro vino in diuinis sacrificiis
dicare. Alios quoque intinctam Eucharistiam populis
complemento communionis porrigere. Quosdam
non expressum vinum in sacramento dominici calicis
ferre, sed oblatiis visis populos communicare. Alios
pannum lineum musto intinctum, per totū annum re-
uare, & in tempore sacrificij cum aqua partem eius lac
& sic offerre. Quòd quam sit Euangelicæ atque aposto-
licæ doctrine contrarium, & consuetudini ecclesiasticæ
uersum, non difficilè ab ipso fonte veritatis probatur.
Quum enim magister Veritatis verum salutis nostræ
sacramentum suis commēdaret discipulis, non illis lac, sed

nem tantum, & calicem sub hoc sacramento cognoscimus, dedisse. Legitur enim in Evangelica veritate: Accepit Iesus panem & calicem, & benedicens dedit discipulis suis. Cesset ergo lac sacrificando offerri, quia manifestum & evidens exemplum Evangelicæ veritatis illuxit, quod præter panem & vinum aliud offerri non liceat. Illud verò quod pro complemento communionis intinctam tradunt Eucharistiam populis, nec hoc prolatum ex Euangelio testimonium receperunt, ubi apostolis corpus suum & sanguinem commendavit, seorsum enim panis, & seorsum calicis commendatio memoratur. Nam intinctum panem aliis Christum præbuisse non legimus, excepto illi tantum discipulo, quem intincta buccella magistri proditorem ostenderet, non quæ sacramenti huius institutionem signaret. Nam quod de expresso botro, id est, de vuarum granis populus communicatur, valde est omnino confusum, sed si necesse fuerit, botrus in calice comprimatur, & aqua misceatur: quia calix dominicus iuxta canonicum præceptum vino & aqua permixtus debet offerri: quia videmus in aqua populum intelligi, in vino verò ostendi sanguinem Christi. Ergo cum in calice vinum aqua misceatur, Christo populus adunatur, & credentium plebs ei in quem credidit copulatur, & iungitur. Quæ copulatio & coniunctio aquæ & vini sic miscetur in calice domini, ut comixtio illa non possit separari. Nam si vinum tantum quis offerat, sanguis Christi incipit esse sine nobis: si verò aqua sit sola, plebs incipit esse sine Christo. Ergo quando botrus solus offertur, in quo vinitantum efficitur demonstratur, salutis nostræ sacramentum negligitur, quod per aquam significatur. Non enim potest calix domini esse aqua sola, aut vinum solum, nisi utrumque misceatur. Et ideo, quia iam ex hoc plurima & multiplex maiorum emanavit sententia, deinceps omnis talis error atque præsumptio cessare debet, ne peruersorum inordinata compago, statum veritatis eneruet. Et ideo nullum deinceps licitum erit aliud in diuinis sacris offerre, nisi iuxta antiquorum sententiam conciliorum, panem tantum, & calicem vino & aqua permixtum. De cætero aliter quàm præceptum est faciens, tam diu sacrificando cessabit, quàm diu legitima poenitentiae satisfactione correptus, ad gradus sui officium redeat quod amisit.